

GIGNOD

De iaou veun-tì lo noun Vatican ?

Dedeun le vioù ten, lo Vatican, l'ïye lo noun d'eun tsantì de Roma, di djé dret di *Tevere*, fran eun fase di Tsan de Mase é a drèite di *Gianicolo*.

Dapremì l'ïye eun poste maasàn é imiddo, to vaco, maque bon pe alì eun tsan.

Tchica de ten aprì, *Agrippina* l'a fi de dzen dzardeun de sise croué vaco ba i pià de la couta.

Toujou li pe lo Vatican, l'ampéreur Néroun l'a fi féye eun petchou sirque privou ; li dedeun soun itó tchou le premì martire critchèn, é euntre leue euncó l'apotre Piére que l'é itou euntéroù fran li.

Dèi adón si tsantì l'è vin-ìn eun semeteurio tan pe le payèn que pe le critchèn, tanque i ten de l'ampéreuse Costanteun que, dedeun le-z-àn que van di 326 i 333 aprì Jezù Cri, l'a baillà odre de fée eumplan-ì lo soundzoùn de la crita pe lèi fée batì la premiye bazeleucca dédiaye a Sen Piére.

Aya i Vatican lèi ite lo sen Pée. Mé l'è pa toujou itou pèi : i Moyèn Adzo llu restave dedeun lo Palé di Latrà è pi tar dedeun d'atre eumpourtante batize de Romma, comme lo *Quirinale*, que i dzoo de voueu l'é la rézidensa di prézidàn de la repeleucca italièna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, joueun 2002

Texte publié en 2008 sur « Info Gignod » - Commune de Gignod

Collaborateur de Gignod pour la traduction : Annie Jovial

La transcription a été soignée par le Guichet Linguistique

Mise à jour de la graphie : octobre 2013